

"يونس" .. فتى القهوة!

أنا "يونس" الفتى المختلف .. والذي يحمل صباحات ومساءات مختلفة كلها مع القهوة والحب .. لا أذكر تحديداً متى اقترنت بتلك الفاتنة بنية اللون حميمية المذاق .. فقط وجدتي أعمل بإعداد القهوة وأحببت ذلك جدا .. استقبال كل ضيف من ضيوف "الكافيه" واعداد ما يناسبه من القهوة .. بمرور الوقت أصبحت ومعظم عملائي أصدقاء .. يستمعون لي وأستمع لهم ولحكايهم المتقلبة عن الحب .. اليكم يوم من أيامي أنا "يونس" .. فتى القهوة".

"اوووف .. علي التكييف شوية يا أحمد .. الجو شكله حر أوي النهاردة".

نطقها يونس وهو يعدل من هندامه اسعدادا ليوم عمل طويل أمام رفيقة يومه ماكينة صنع القهوة العتيدة .. أخذ يعيد مسح

وتلعب الماكينة التي كانت تلعب بضوء ذهبي مبهج يتناسب مع أشعة الشمس القوية التي كانت تغمر المكان في ذلك الوقت المبكر من الصباح تاركة ضوء قوي يبعث النشاط في النفس .. امتزجت رائحة حبات البن مع المخبوزات الطازجة التي خرجت تواءً من الفرن الصغير بمطبخ الكافيه فأغمض يونس عيناه في رضا ومتعة معبراً لمن يراه عن أنه الرجل المناسب في المكان المناسب . في مرح فتح أحدهم باب الكافيه متجهاً حيث يقف يونس مبتسماً في انتظار القادم .

"صباحو يا كابتن" نطقها "يونس" في ود ومرح للشاب القادم والذي تبدو على جسده الملامح الرياضية القوية .
 "صباحو يا يويو" قالها الرياضي في ود مشيراً ليونس على ماكينته مردفاً "الاسبريسو المتين بقى يلا عندي تمرين" .

كان يونس قد بدأ بالفعل في تحضير الاسبريسو الخاص بالشاب وما هي الا دقائق قليلة حتى كان يونس يمد يده بالقهوة للشاب الذي التقطها في بهجة جالساً على مقعد مرتفع وما لبث أن قربها من أنفه وهو مغمض العينين متمماً "مम्मمم يا عظمتك يا يونس" .

ابتسم يونس في رضا وهو يراقب الشاب وهو يشرب في شرب قهوته باسمتاع شديد فبادره يونس "شفتلي البروتين الي طلبته يا كابتن".

= يا بني ده طلع أي كلام .. جيبلك حاجة قوية ومش مضروبة .. انت مين الي قالك عليه ده؟ أكيد حد من الرعاع .. لما تحب تجيب حاجة زي كده تسأل أهل الخبرة حنفضل نعلم فيكوا لحد امتي؟

انفجر "يونس" ضاحكاً "حاضر يا مولانا حقك عليا .. هاتلي الصبح بقى انا بتمرن اهه زي ما انت بتقولي بالضبط".
= "جدع يا يويو .. احنا في أيام صعبة أوي الراجل فيها عبارة عن باي وتراي وحنة حاجات تانية".

استمر يونس في الضحك بينما تجرع الرياضي آخر رشفة في قهوته وقام في نشاط متجهاً للكاشير وملوحاً ليونس "سلام يا بطل .. حستناك بالليل في الجيم بقى".
لوح له يونس في حماس "على معادنا يا كابتن".

اتجه يونس لمشغل الموسيقى وأمسك بالريموت كنترول الخاص بالجهاز وأخذ يقلب في الأغنيات حتى أتاه صوت "أنغام" ياريتك فاهمني زي أنا ما بفهمك وتقرى الي جوايا أما عيني تكلمك" وما لبث أن رأي فتاة وصبي لا يتجاوزان السادسة عشر ربيعاً يتقدمون ناحية ماكينته فترك الأغاني واقترب منهم كان الشاب الصغير طويل نحيل الجسد بسيط الملامح يظلل وجهه شعر ناعم كثيف ليس بالقصير وعلى وجهه ظهرت علامات لحية خفيفة تجاهد حتى تظهر يحمل كراساته وهاتفه الذي انشغل به بينما هي انشغلت به هو كما رأى "يونس" كانت الفتاة رقيقة وصغيرة كنبته لم ترى طريقها للنمو والشمس بعد .. بكر غضة لا تعرف عن الحياة شيئاً .. بادرهما يونس قائلاً "أومروني يا شباب" فالتفت اليه الشاب الصغير "٢ لاتي مع اكسترا شوجر" ثم عاد للحملقة في هاتفه بينما لم تحول الفتاة نظرها من عليه في حيرة وكأنها تبحث عن كلمات تقولها له فقالت "تفتكر نجيب هوت شوكلت لندي يا يحيى واحنا رايمين الدرس؟ بدا الشاب لم يسمعها لانشغالها بهاتفه فأعادت النداء على مسامعه بصوتها الرقيق فالتفت لها في لا مبالاة آه آه اطلبيلها اوكي.

بدا على ملاح الفتاة خيبة الامل وبعض الضيق فالتفت ليونس الذي كان قد انتهى من اعداد اللاتيه الخاص بهما فقالت له "وان لارج هوت شوكليت بليز من فضلك" أوما لها يونس بالايجاب وبدأ في اعداد الهوت شوكليت بينما بادرت هي الشاب "أنا قلت لبابي يجيبلي بلاي ستيشن فور عشان ألعب معاك انت والشلة بابجي فرقع الشاب رأسه من على هاتفه في دهشة قائلاً لها "بس انتي مش بتجي الجيمز دي يا هيا مفكرش حتنبسطي.

همت بالرد عليه ففتحت فيها الا انه كان قد عاد للانشغال بهاتفه فناولها "يونس" الهوت شوكليت وهو يتسم لها في ود قائلاً "لسه بدري على فكرة .. متستعجليش" علت علامات الدهشة للفتاة وربما همت بالرد على يونس ومعارضته الا انها ابتسمت له في قلة حيلة قائلة "ميرسي .. سي يو".

اختفى الفتى والفتاة وظل يونس يتابعهم متأملاً ثم انشغل بتغيير الأغنيات وما لبث صوت "اليسا" أن انبعث شادياً "أنا ما بدى اياك لكن ما بدى تنساني .. اللي عشته معي ممنوع تعيشه مع

حدا تاني .. ضللك حبني عن بعد واتخيل انا مع بعض حسيني
أنا وادامك ان وقفت فيك الارض".

انفرج باب الكافيه كاشفا عن امرأة في تبدو في منتصف
ثلاثيناتها مكتملة الأنوثة تنبؤ ملاح وجهها بنضج واضح وتجربة
غير يسيرة!

قابلها يونس بابتسامته البهية هاتفاً "مس نيرة .. نورتي".

- صباح الهنا يا يونس .. قهوتي بليز.

- دقيقة بالضبط.

استقرت "نيرة" على كرسي البار بالقرب من يونس وأخرجت
سيجارها من حقيبتها وما ان همت باشعالها حتى اصطدمت
بنظرة "يونس" الذي نظر لها لائمة فتوقفت هاتفمة "ايه كبت
الحرية ده".

- سوري مس "نيرة" انتي عارفة دي نوسموكنج اريا".

- عارفة عارفة هات القهوة بقى عوضني عن بوظان مزاجي.

- اتفضلي.

ارتشفت "نيرة" أول رشفة من قهوتها ثم أغمضت عينها متراجعة
بظهرها للخلف في متعة ثم ما لبثت أن فتحتها هاتفمة "الله بقى".

- ابتسم "يونس" في رضا وتمتم "بالهنا مس" نيرة".
 ما لبثت ملاح المرأة أن تغيرت وزهبت مع قهوتها لعالم آخر وهي
 تشرذ بصرها خارج نافذة الكافيه مما دفع "يونس" لمبادرتها "ليه
 الحزن اللي في عنيكى ده مس "نيرة"؟!
 ابتسمت "نيرة" في مرارة مجيبة : بقيت باجي آخذ قهوتي لوحدي
 يا "يونس" .. ده مش سبب كفاية اني مبقاش مبسوطه.
 - اعذريني مس "نيرة" بس أنا عمري ما حسيت انه انتي
 ومستر "تامر" مع بعض!
 - ازاي؟!
 - حقيقي .. كل مرة كنت بشوفكم مع بعض كنت بلاقيكم
 أصدقاء .. زمائل شغل .. لكن مش "couple" مش اتنين
 مرتبطين أو في علاقة.
 - كان موجود يا "يونس" .. دلوقتي مبقاش موجود.
 - يمكن كان موجود بس مش بالشكل اللي كنتي انتي
 بتحسيه .. يمكن اللي كنتي بتحسيه مكانش حقيقي او مكانش هو
 يحسهولك .. يمكن بعده وعدم وجوده يكون أفضل.
 - أفضل؟؟!! أفضل أكون لوحدي!!

- مش قصدي.
- أو مال ايه قصدك.
- قصدي ان وجود مستر"تامر" في حياتك مكانلوش محل من الاعراب .. من الوجود .. يعني لا هو حد مهم ويجب ولا حتى صديق مهم ومحدد مكانته بحياتك كتير كنت بلاقيكي بتدوري عليه .. الاصدقاء اللي بجد بيدوروا على بعض لما ييختفوا ويفهموا لما حد فيهم يبعد او بيبقى متأزم .. مفتكش هو دور عليكي يوم وقاللك انتي فين .. تعرفي .. كنت بحسه عامللك تشويش .. تشويش على مشاعرك .. تشويش ممكن يخليكي مش شايفة أي حد يفكر يقرب منك لانه مهم فعلا او يبجك .. تشويش يوقفك مكانك متتحركيش خطوة واحدة بمشاعرك في أي اتجاه .. صدقيني يمكن وحدتك "المؤقتة" دلوقتي أفضل كتير من وجودك مشوشة.
- زفرت "نيرة" زفرة ساخنة خرجت بأنفاسها الحائرة وهي تمد بصرها لذات النافذة متممة "جايزيا يونس .. جايز" ثم ما لبثت ان نهضت ملتقطة حقيبتها انا لازم أطير بقى عندي ميتنج.

بادلها يونس الابتسام وأشار لها شارة الوداع حتى اختفت عن ناظره وابتلعها الزحام خارج الكافيه.

سرعان ما توسطت الشمس السماء وانتصف النهار وازدحم الكافيه بالقادمين والرائحين من رواده حتى دخل المكان رجل أربعيني مقطب الحاجبين انهمك في محادثة تليفونية يبدو أنها غير لطيفة من ملامحه الغاضبة وما لبث أن أشار بالسلام لـ "يونس" الذي رحب به وشرع فيما يبدو في اعداد قهوته .. جلس الرجل أمام يونس ومالبت أن انهمك في حديثه الغير ودود مع الطرف الآخر "ياستي قتلتك الميتهج خلص ونزلت آخذ بريك .. ايه؟ حرام؟ كثير عليا أسيب الشركة والساقية اللي بلف فيها طور وأنزل أشرب زفت "قهوة"؟ ... آه لوحدي .. تحبي أصولك نفسي واللا أعملك لايف ع الفيسبوك .. يلا سلام".

في غضب يغلق هاتفه ويتركه على البار أمامه ويسحب قهوته التي أتم "يونس" اعدادها سريعاً مبادراً يونس "هات يا بني القهوة خلي الواحد يعدل دماغه .. ده ايه الأرف ده؟ عيشة دي؟ عايز أفهم يعني هي دي عيشة يعني؟ حصار حصار حصار ولا كأني متجاوز وكيل نيابة .. أوووف".

وعقلنا وبقالي فترة اعتذرتلها عن الهبل بتاع زمان وراضيتها .. ايه المطلوب بقى يعني .. تمضيلى صك غفران وتعتقني من الشك والملاحقة واللا ايه؟

- لا مستر "سامح" مش كده.
- أومال ايه يا بني؟
- الثقة مستر "سامح" .. الثقة لو راحت بين أي اتنين خاصة لو علاقة طويلة وممتدة زي حالتك مش بترجع بسهولة .. محتاجة مجهود كبير وصدق عشان ترجع .. كمان محتاجة صبر وتجاهل لعدم الثقة كبير أوي.
- اعملها ايه يعني وهي بتحاصرني بالأسئلة لمجرد اني تعبت من الشغل ونازل آخذ الكوفي بتاعتي .. أفندم يعني؟
- عزومة صغيرة منك ليها مستر "سامح" انها تشرب القهوة معاك في البريك كانت ممكن تهديها وتديها احساس بالثقة وقبل ما تعترض انا من اللي اعرفه هي حد مشغول اصلا وكانت في الغالب حترفض وتمتالك هابي كوفي مستر "سامح".
- يا سلام.
- جرب.

- أيوه.
- بحبك.
- وأنا بحبك.
